

Sier Hironimo da chà Tajapiera el dotor, fo auditor novo	37.150
Sier Alvise Foscari, è provedador di comun, qu. sier Nicolò	62.126
Sier Marco Antonio Venier el dotor, fo auditor vechio, qu. sier Cristofolo	56.128
Sier Anzolo Gabriel, fo auditor vechio, qu. sier Silvestro	44.143
Sier Domenego Venier, fo auditor vechio, qu. Andrea procurator	67.126
Sier Marco Minio savio a terra ferma, di sier Bortolamio	65.128
Sier Zuan Emo el camerlengo di comun, di sier Zorzi	73.113
Sier Sebastian Zustignan el cavalier, fo savio a terra ferma	91. 95
Sier Francesco Corner, è di la zonta, di sier Zorzi cavalier procurator	72.113
Sier Christofal Capello fo savio ai ordeni, qu. sier Francesco el cavalier	34.178
Sier Lunardo Emo, è di Pregadi, qu. Zuan el cavalier	88. 99
Sier Gasparo Contarini, qu. sier Alvise, qu. sier Ferigo	68.115
Sier Marco Gradenigo el dotor, fo provedador sora i officii, qu. sier Anzolo	72.114
Sier Zuane Antonio Venier, è provedador sora la revision di conti, qu. sier Nicolò el cavalier	68.115
Sier Giacomo da Canal, fo auditor vechio, qu. sier Bernardo	29.158
Sier Hironimo Polani el dotor, fo auditor nuovo, qu. sier Giacomo	33.158
Sier Vettor Capelo, fo provedador a Vicenza, qu. sier Andrea	52.130
Sier Hironimo Zustignan, el savio a terra ferma, qu. sier Antonio	86.101
Sier Mafio Lion, fo auditor nuovo, qu. sier Lodovico	55.128
11 Sier Alvise Bon el dotor, è di Pregadi, qu. sier Michiel	25.105
Sier Gabriel Venier, fo auditor vechio, qu. sier Domenego	48.136
Sier Francesco Morexini el dotor, qu. sier Gabriel	50.136
Non. Sier Marin Zorzi el dotor, fo Cao del Consejo di X, qu. sier Bernardo	
Non. Sier Piero Pasqualigo dotor e cavalier, l'avogador, qu. sier Filippo	

Et licentiatò Pregadi a hore 23, restò Consejo di X con la zonta. E fono tolti 13 zentilhomeni d'anni 18 a venir a Consejo, li nomi di qual noterò di soto, qual prestano a la Signoria ducati 100 per uno anno, etc.

Item, fu preso: che tutti quelli zentilhomeni che vorano depositar ducati 100, havendo compiti anni 18 possano andar a Consejo, et havendo anni 20 se intendi habino la pruova di anni 25, *ut in parte*; potendo però loro, e soi padri e fradelli, scontare diti ducati 100 darano, in le angarie, da uno anno in là. *Item*, fu preso nel Consejo di X *simplice*, atento era in questa terra venuti alcuni vicentini banditi, quali con armi inastade andavano per la terra et amazono alcuni: che chi di quelli prenderà, abi certa taja, *ut in parte*.

Ma in questa note accadete, che essendo stà presi alcuni per li capitani dil Consejo di X, quali acusono dove erano questi banditi alozati, et di hordine di Cai di X, li capitani, cai di guarda e ufficiali, a hore zercha . . . andono a San Stin, per mezo la scuola di San Zuane Evanzelista, dove erano li prediti banditi, e torniata la caxa, et volendo butar zoso le porte, e loro se difendeano gajardamente; *adeo* fu forzo a li ufficiali andar sopra il colmo e scoverzer la casa per intrar. E loro, vedendo questo, eazono fuogo ne la casa, dicendo: « Come li ufficiali vederà il fuogo, si partirano, et nui anderemo via. » Ma il capitano del Consejo di X mandò a li Bari, da Durasin che lavora panni, e li fe' far comandamento venisse con 50 homeni armati; qual subito vene, e torniono per tutto, *ita* che il fumo impl la casa, *adeo* diti banditi non si poteno difender, et si reseno. Et cussi numero 17 fono presi, e tutti ligati fono menati in camera, a li qual se li darà il malanno. È cossa di gran importantia questi monopoli. Si dice erano venuti per amazar uno vicentin di Gualdi che stà a San Pantalon, nominato Nicolò, e fradelli.

Et in questi, è uno Cristoforo Cechin vicentin cao di parte etc.

A di 6, la matina. Il Principe non fo in Colegio, juxta il solito. 11*

Di campo, letere dil capitano zeneral e provedador Contarini. Zercha danari, e come hanno certo partirano questa note di Moncelese.

Vene l'orator di Franza in Colegio, per il qual fo mandato. E nota: le letere di Spagna non fo lecte in Pregadi, e fo tolto nel Consejo di X, in le qual si contien: come quel Re avea voluto l'orator nostro restasse ancora lì, sier Zuan Badoer, et veder se-